

BOSNIA AND HERZEGOVINA  
FEDERATION OF BOSNIA AND HERZEGOVINA  
FBiH MINISTRY OF DEVELOPMENT,  
ENTREPRENEURSHIP AND CRAFTS

Broj: 08-11-1-1700-3/23  
Mostar, 04.01.2024. godine

Na temelju člana 69. stav (3) Zakona o javnim nabavkama ("Službeni list BiH", broj 39/14 i 59/22), a na prijedlog Komisije za provođenje postupka javne nabavke u 2023. godini imenovane Rješenjem broj: 08-11-1479/23 od 15.08.2023. godine, Federalni ministar razvoja, poduzetništva i obrta, donosi

**ODLUKU**  
**o otkazivanju/poništenju postupka javne nabavke kompjutera i kompjuterske opreme**

I  
Prihvata se Prijedlog Komisije za provođenje postupka javne nabavke i otkazuje/poništava se postupak javne nabavke kompjutera i kompjuterske opreme, pokrenut putem konkurentskog zahtjeva za dostavu ponuda, Obavještenje o nabavci broj: 572-7-1-15-3-8/23 od 06.12.2023. godine, zbog dokazivih razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke, a na osnovu člana 69. stav (3) Zakona o javnim nabavkama BiH ("Službeni list BiH", broj 39/14 i 59/22).

II  
Ova Odluka će se objaviti na web stranici Federalnog ministarstva razvoja, poduzetništva i obrta u skladu sa članom 70. stav (6) Zakona o javnim nabavkama ("Službeni list BiH", broj 39/14 i 59/22) i putem Portala javnih nabavki.

III  
Ova Odluka stupa na snagu danom donošenja.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 08-11-1-1700/23 od 29.11.2023. godine, putem konkurentskog zahtjeva za dostavu ponuda. Procijenjena vrijednost nabavke iznosi 25.000,00 KM (sa PDV-om), odnosno 21.367,52 KM (bez PDV-a). Obavještenje o nabavci broj: 572-7-1-15-3-8/23 je objavljeno na portalu javnih nabavka dana 06.12.2023. godine.

Dana 11.12.2023. godine na protokol Ugovornog organa zaprimljena je (putem pošte) žalba na tendersku dokumentaciju broj: 08-11-1-1700-1/23 od 06.12.2023. godine, od strane potencijalnog ponuđača firme FCT d.o.o. Banja Luka, zastupanog po advokatu Višić Željku.

Žalitelj je podnio žalbu zbog, kako je naveo, nezakonite tenderske dokumentacije i pogrešnog tumačenja i primjene Zakona o javnim nabavkama.

BOSNIA AND HERZEGOVINA  
FEDERATION OF BOSNIA AND HERZEGOVINA  
FBiH MINISTRY OF DEVELOPMENT,  
ENTREPRENEURSHIP AND CRAFTS

Nakon zaprimanja žalbe Ugovorni organ je dana 12.12.2023. godine donio Zaključak kojim odgađa nastavak postupka javne nabavke do okončanja postupka po žalbi, u skladu sa članom 110. stav (1) Zakona o javnim nabavkama ("Službeni list BiH", broj 39/14 i 59/22). Cijeneći da je uložena žalba neosnovana, dana 12.12.2023. godine Ugovorni organ je, Uredu za razmatranje žalbi BiH, na nadležno postupanje uputio izjašnjenje na žalbu zajedno sa svom pratećom dokumentacijom.

Dana 03.01.2024. godine na protokol Ugovornog organa zaprimljen je (putem pošte) Zaključak Ureda za razmatranje žalbi (filijala/podružnica Mostar) u kojem se odbacuje žalba ponuditelja FCT d.o.o. Banja Luka kao neuredna.

Komisija za Javne nabavke je putem e-maila, dana 12.12.2023. godine, obaviještena od strane Sektora za opće, pravne i finansijske poslove o predbilansnim radnjama za 2023. godinu, gdje su u tački 14 definisane radnje javnih nabavki. U spomenutom je definisano da nabavka može teretiti budžet ukoliko su sprovedene sve zakonom predviđene procedure i zaključen ugovor o nabavci u tekućoj godini, a što je definisano i Zakonom o izvršenju budžeta FBiH.

Obzirom da je postupak žalbe doveo do situacije da javna nabavka nije okončana u okviru tekuće godine zbog dokazivih razloga, prethodno istaknutih, a koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, postupajući po prijedlogu Komisije za javnu nabavku, primjenom člana 69. stav (3) Zakona o javnim nabavkama ("Službeni list BiH", broj 39/14 i 59/22), odlučeno je kao u dispozitivu Odluke.

**Pouka o pravnom lijeku:**

Protiv Odluke može se izjaviti žalba Uredu za razmatranje žalbi BiH, putem ovoga organa, u roku od 10 dana od dana prijema Odluke o poništenju postupka javne nabavke.



Ministar  
Vojin Mijatović

**Dostaviti:**

- Sektoru za finansijske, pravne i opće poslove,
- Komisiji za provođenje postupka javne nabavke u 2023. godini,
- a/a